

隨代垂制，臨時定議，依事改張，備於權宜，謹案禮家先君崩，嗣子位定於初喪，即位既明，無疑遵行，臣等今月十三日奉啓，率迪舊章，欲申禮典，荼毒之始不許所請，伏惟殿下，睿情天縱，孝心自然，哀痛攀慕，抑禮不從，綸旨尙稱，令敷奏，每曰啓，稽之禮家，當爲違失，求於人事，亦有不愜，臣等愚情，竊懷不穩，伏望改令稱勅，使易施行，報曰：余小子未忍，即稱帝號，然卿等數有上啓，義在難違，不果窮心，唯增摧感。五月庚午，略中是日，群臣上表曰：臣等近稽之舊章，請以昇朝位，陛下不垂省納，未允翹誠，在於聖躬，實雖盡美，議請凡厥，竊恐未安，豈有德被无方者，殉匹夫之小節，化覃有截者，略皇王之宏規哉！天下至大，庶政至殷，一日萬幾，不可蹙曠，伏願陛下，上念社稷之重，下從黎元之望，負辰臨朝，凝旒布政，則小大之心，允睦，遠近之情，克諧，國家惟寧，天下幸甚，臣等請擇良辰，班示有司，不勝憂惶之至，謹詣闕以聞，勅近省公卿等表請，以宗社事重，哀慟之情，不能弭忘，而再三敦逼，因依來請，其左右京并天下諸國，待大祓使到祓清，然後釋服，不得回此，飲宴作樂，并著美服。

〔日本後紀十四平城〕大同元年五月辛巳，卽位於大極殿。

〔文德實錄一〕嘉祥三年三月己亥，仁明皇帝崩於清涼殿，于時皇太子德○文下殿御宜陽殿東庭倚廡，左右大臣率諸卿及少納言左右近衛少將等，獻天子神璽寶劍符節鈴印等，須叟駕輦車移御東宮雅院陣列之儀，同行幸，但無警蹕。乙巳略○中，公卿奏言，施事天下，猶稱令旨，在於視聽有所疑，請稟天旨，改令代勅，未之許焉。四月己酉，公卿上啓曰：竊以萬物不能自化，資大匠以陶鈞，億兆不能自治，賴元首之司牧，一時曠位，則九服所以迴遑，一日無政，則萬機由其擁塞，是以姬王纘統，戴冕宅憂之初，漢帝乘乾正位，徂落之夕，通行不滯，爲萬代之舟車，觀望相依，百王之戶牖者也，大行聖帝，明○仁明齊日月，道括乾坤，崇德叶於筮鏞，體政存於俎豆，七十二帝，彼復何人，三五六經，本慙聲教，遂攪乃昔以來，禮典舊章，察其利病之端，參於方今之代，遺制云：皇太子可於柩前卽皇帝位，一依周漢故事，伏惟殿下深仁植性，純孝因心，寢門問豎，竭愛敬之誠，馳道申虔，盡溫恭之禮，臣子之道，克宣天人之望，允集宜肅奉聖旨。